



註
千字文

酒
生
一
樂

中上

津田文庫
文庫 1
1663



註千字文序

鍾繇千字文書如雲鵠遊

實亦難遇王羲之書字勢雄如龍躍淵門虎卧風閣

故歷代寶之傳以為訓藏諸秘府逮于永嘉年失據

遷移丹陽紫川途阻江山遐險兼為石勒逼逐斷絕

又逢暑雨所載典籍從茲糜爛千字文幾將湮沒晉

末宋元皇帝恐其絕滅勅遂令右將軍王羲之繕

寫其文用為教授但文勢不次音韻不屬及其撰導

頗以為難至梁武帝受命令負外散騎侍郎周興嗣

推其理為之次韻夫學者蓋立身之本文章者乃入官

之始也是以開天立地三曜於是生焉二儀既立四

節以之由序上古玄朴墳典之誥未弘下代稍文

索之書乃著故五經諸字卷軸弘多積載累功用

其戶隔耳千字文簡要略義括三才包覽百家意

註千字文序

010190602295

晉約上論天地下次入倫義及九州沈論五岳日月
星辰之度建首明王三皇封禪之書亦在其內前漢
右漢之事次第俱論秦始皇刻碑之勳於斯辨釋然王
羲之本有餘文傳通世俗以為法軌蕭王乃令周興
嗣次韻正之焉得千字文慳義奧詮者難尋若不解
釋無以得悟寂雖不敏曾在學門依據諸處敢註其
記意淺義深如或末周轉率已情萬無一是上總其
所見以曉愚蒙若有智者望垂更為潤色焉

日本見在書目小學千字文一卷李暹注

按此書蓋五代朱梁時所成免園稗史之流者也

纂圖附音增廣古注千字文上

勅負外散騎侍郎周興嗣

次韻

松文庫

天地玄黃

天カクハハシ高ニ億ニカ六十余又
地カクハハシ高ニ億ニカ六十余又

易曰天玄而地黃言天之色玄地之色黃陰陽二氣
輕清者上為天重濁者下為地天形穹窿地形磅礴
也天有九重之宵天玄經云九天者一中天二青天
三從天四更天五辟天六廓夫七感天八沈天九成
天余雅云四天者春為蒼天言萬物蒼蒼然生夏為
昊天言氣皓時秋為旻天旻猶愍也愍萬物凋落冬
為上天言時無事在上臨下而已禮記曰有五土十
地一曰山林九積石曰山有竹木曰林



廣曰川水鍾曰澤三日丘陵土高曰丘大阜曰阜
日墳衍水涯曰墳下平日衍五日原濕上平日原下
曰濕此之謂十地孝經云用天之道分地之利
四時代謝運行不息謂之天道五地所生風氣所運
宜物產不同謂之地利人生於天地之間凡所運用
當上依天時下隨地利也玄黃本作元黃辟御諱以
玄代之也

宇宙洪荒

宇者天能覆萬物形如屋宇名之為宇宙者從古來
今日宙洪者大也荒者極遠之外人跡不到之處刑
部云神農步天地東西九十萬里南北八十萬里東
海西海相去二萬八千里南海北海相去二萬六千
里也宙直又及

日月盈昃

繫緯云日中則具月盈則虧盈滿也具縮也日十有
三足鳥故曰金鳥日色赤出於扶桑沒於咸地月為
玉兔蟾蜍三足蝦蟇也日為陽精出於東方月為陰
精生於西方具並色反

辰宿列張

北辰有五星論語云北辰居其所而眾星拱之是也
天有二十八宿四方各有七宿東方七宿成蒼龍之
體南方七宿成朱雀之形西方七宿成白虎之體地
方七宿成玄武之形並環列四方以輔弼天帝也

寒來暑往秋收冬藏

...

繫辭曰寒往則暑來暑往則寒來寒暑相推而歲成焉春為青陽風氣溫和夏為朱明風氣炎熱秋為白藏風氣清涼冬為玄英風氣凜烈四時代謝五穀成熟春生夏長秋收冬閉藏此一歲之事也

潤餘成歲律呂調陽

尚書云期三百有六旬有六日者以潤月定四時成歲穀梁春秋曰潤月者附月之餘日也積分而成於月者也後漢律歷志注云立潤定時以成歲功也前漢律歷志云律十有二陽六為律陰六為呂六律者黃鐘大蕤蕤賓姑洗夷則無射也六呂者林鐘中呂南呂應鐘夾鐘大呂也此十二律呂調和陰陽之氣也

雲騰致雨露結為霜

易曰雲行雨施天下平也孟子曰天油然作雲沛然下雨雲雨感應皆由人君有道所致苟或失德則雖有雲雲西郊終無雨澤昔殷湯治國上年大旱乃求社稷神雨亦不下湯曰社稷之神是堯時稷官姓姬字棄何堯之神無靈也可宜除之大史奏曰不可除之可燒一人祭天神雨必降湯曰朕身無德致此大旱今更燒一人祭天罪在朕身願天下均沐雨澤朕當自燒身遂積柴於殿前天子自登柴上四邊放火火勢漸逼忽然雲起下雨火乃滅而湯命得存天下咸蘇仰戴天子之德湯乃令百姓每年二月及八月祭社稷神也露能潤草木疑結名為霜其氣凜烈以能束殺萬物也秋露暮結為露朝疑為霜也

金生麗水王出崑崗

麗水水名在益州永昌郡中有金生浮出其上言此
金勝於諸金也 商楚地荆山崑崗谷中出美玉昔
楚國有一人姓卞名和善別玉向於荆山崑崗中得
一璞玉將獻楚文王文王不別云卞和欺誑我遂削
其左足文王崩武王立和又進玉璞武王責曰和昔
日欺我先君今又來欺誑我復削其右足卞和見二
王皆不識遂抱玉璞泣於荆山之下眼中流血而感得
荆山為之頽武王崩子成王立和又將玉璞進成王
使玉人彫之果得美玉使擊玄藏佑其價擊玄改玉
曰此玉無價若欲知價使人運金填滿一城不博此
玉也王乃號為連城之王北趙國王有女端正楚成
王聞欲索之趙王不肯成王將卞和美玉去與趙王

王遂將此女嫁成王趙與楚兩國傳賞此玉為連城
珍西秦國昭王聞趙王有美玉願割十五城博之王
使藺相如送去博得十五城也詩曰蔣蘭莫當門懷
玉莫向楚楚無別玉人門非蔣蘭所崑公渾反崑音
剛

劍號巨闕

巨闕劍名也昔趙王有寶劍五張一名純鉤二名湛
盧三名莫耶四名魚服五名巨闕巨闕者為上蓋歐
冶子造此劍時感得兩師掃洒雷師擊節蛟龍捧炉
天帝焚山灰天下觀得七星而見五色龍文隣國知
聞請劍者之與趙王駿馬三千疋皆不能得見號手
報反

珠稱夜光

楚王有一珠名曰夜光昔楚臣隋侯出行見一羣牧牛小兒打一蛇傷破血流在沙中宛轉命欲將絕隋侯憐之救取向水中洗以神藥封之得活道然入水而去其蛇是海龍王之子後嚙七寸珠來報與隋侯於夜庭中忽有光明謂言有賊將火入照侯乃按劍向門而立良久之不見人乃開戶看之有一蛇干嚙王在戶外侯問曰是何蛇子蛇乃吐王在地答曰我是海龍王子變作蛇身來草中遊戲偶逢牧牛小兒無知打吾而傷出血命將欲死蒙先生救命傳以神藥封之得活故以明珠來報先生恩德侯得珠將進楚王王安於殿上夜中常見光明故稱夜光之珠也

菓珍李柰

世說曰燕國高道縣王豐家出好李大如椰子香美無熟鑽破核而賣之恐人傳種種之不生也西涼州出白柰堪為菓脯菓中一珍好惟李柰二味甚可貴也矣

菜重芥薑

趙國出好芥子可為醬蜀地出紫薑言菜食之中佳有芥薑可貴重也

海鹹河淡

吳都賦曰煮海為鹽蓋海水味鹹河水皆山泉必淡也鹹乎甘反

鱗潛羽翔

鱗者魚龍之屬皆潛藏於水中羽者飛鳥之屬翔者飛也言鳥必飛翔也

龍師火帝

春秋傳云太皞氏以龍紀故為龍師而龍名太皞伏羲氏風姓之祖也
有龍瑞故以龍命官炎帝以火紀故為火師而火名炎帝神農氏姓姜有火瑞故以火紀事名百官也

鳥官人皇

春秋傳曰太皞擊之立位也鳳鳥適至故以鳥名官為鳥師鳳鳥氏歷正也玄鳥氏司公者也伯鳥氏司

至者也青鳥氏司啓者也丹鳥氏司閉者也祝鳩氏

也鵲鳩氏司事也三皇者天皇十四頭也兄弟十人共治天下三萬三千載地皇十一頭治天下二萬載人皇九頭治天下下萬載也

始制文字

係辭曰上古刻木結繩而治後世聖人易之以書契繩長一丈二尺軒轅皇帝治天下之時有神人蒼頡觀鳥獸跡制為文字以代結繩至今傳之

乃服衣裳

禮記曰上古未有麻絲衣其羽皮黃帝時有神人名歧伯造衣裳置州縣造屋宇也

推位遜國有虞陶唐

推遜皆讓也堯號陶唐氏讓位與舜舜號有虞氏讓位與禹堯治天下五十二載遭洪水九載自知無德生子丹朱不肖不堪治國聞舜有孝行忍之妻以二女大女名娥皇小女名女英舜姓姚字重華少喪母父名瞽叟更娶後母生象後母常行惡心言害舜瞽叟信後母讒言共象弟等謀欲殺舜乃令妻居深澤知其意遂持大席上屋父放火燒屋舜以席裹身跣下叟見不死復使陶井欲埋之時隣家知其意語舜曰父母當令君陶井必有惡心何不避之舜曰我只可順父母而死為孝不可逆父母而走為不孝親友聞之與舜錢五百使為方便預作封向東家井中穿作穴相透明日果令陶井舜腰着錢五百入井中父母

掘井上看舜乃見銀錢一文歡喜未有填意井深闇黑視不見底舜乃於東家井傍穿成孔相通訖報父母曰錢盡也父母及弟見罐中無錢遂將石填之其父兩目即盲母便耳聾弟遂口噤後貧困又遭天火燒其屋舜已從東家井中出投諸歷山耕田歲收二百石粟改名易姓入市糶米見其母賣薪飢寒常倍與薪價余米錢私安於米袋中更與餅肉令捨貧而般到家開袋米中得錢者數度皆如此瞽叟怪問之妻曰市中有一少年見貧困每為怜恤常倍與我薪價叟曰此非是吾舜子乎妻曰舜今在百尺井底以石填之自非聖人豈能更生來日將吾入市與其入相見妻遂扶叟至市見昨日少年來叟曰為吾喚至報謝其恩妻便喚得少年至叟問曰君是何人相怜過厚老弊不善兩目失明貧苦飢寒無以相報少年

曰我是忠孝之人見翁貧困特相愍念何心言報與
聞其應聲響曰非吾舜子乎音聲相似舜曰是也於
是父子相抱悲哭哀聲盈於道路市人見之莫不悽
慘舜將衣襟拭父目即開朗明母亦能听聲象即便
能語舜再拜曰為子不孝違於曠野自今已後更不
如此父亦大悔言今後不敢舉意向吾聖子市朝人
民見舜孝行莫不流涕因此孝順聲聞四海帝聞其
聰明禪位與之是為帝舜舜垂拱無為萬邦教化在
位八十二載生子商均不肖又禪位與司空伯禹是
為夏後氏三王之祖也

吊民伐罪

孟子曰誅其君而吊其民民大悅吊者恤恤之義伐
者伐無道之君夏桀殷紂乃無道之君也

周發殷湯

周文王第二子姓姬名發是為武王殷紂無道不恤
國政但以色姿為樂惑姐已之言沮亂國事造九重
之臺下置酒池傍立糟山召集國中少男幼女各裸
其形合羣而行陰陽交會羣頭如牛驅入糟山酒池
沒溺而死令姐已咲後姐已登樓遙見二年少渡河
謂紂曰在前渡河者少生之子髓滿耐寒後渡水者
老生之子髓少不耐寒大王不信斫脛看之遂斫
脛看果如其言後見一懷孕婦人樹下息方起行姐
已曰此婦人腹內是男紂曰何以知之曰婦人起先
舉左足即知是男大王試割腹看之乃喚婦割看果
是男也又無故鳴鐘鼓設集羣臣諸侯驚集為有異
事紂曰無事欲令姐已咲紂不知姐已咲是妖魅轉更

矜愛橫惡非一百姓受害周文王名昌為西伯在岐山下德化人民百姓服之三分天下有其二文王崩子武王為西伯比干箕子是紂之庶兄見紂荒淫傲慢不恤國政比干諫之姐已怨見比干之諫言謂紂曰妾聞上聖之人心有五孔孔有九毛中聖之人心有七孔孔有七毛下聖之人心有五孔孔有五毛只如比干是中聖人陛下不信割心看之紂用其言開比干之腹果有七孔孔有七毛比干死箕子懼罪西投於周太公謂武王曰紂之無道尚有三賢人在左右今比干被殺箕子微子來投紂可伐矣武王用太公之言遂興兵行至孟津八百諸侯不期自來相會入朝歌投得紂殺之投得姐已付與召公今殺召公見其姿容端正一丈百美不忍殺之留經一宿太公謂召公曰紂之亡國喪家皆由此女不殺之更

神何時乃以雉劉之即變作九尾狐狸也紂為行此無道武王伐之商湯者姓予名陟方夏桀無道不恤國政傲慢出勅不令百姓種田斷施相却天下將亂湯是桀臣遂見其無道共伊尹舉兵伐桀自立為天子是為殷之湯王也

坐朝問道

天子坐即朝於國問道昔漢文帝令羣臣皆說老子五千言聞河上公曉老子之文義帝使人往召之河上公語使曰道德高貴安可遙問乎帝親自往問之莫非王王卒土之濱莫非王臣子雖有道德是朕不能自屈何乃高乎要朕自至見朕不起朕能責卿能賤卿能我卿能活卿富貴貧賤只在須臾何得寬

莊子齊物論

接何上公見帝此言從地舉身去地十丈冉冉而立
帝於帝曰吾上不至天下不履地中不累人逍遙自
在安神豈羨富貴乎帝見如此恐懼下車拜謝然於
下來註老子道德經故曰坐朝問道

垂拱平章

垂衣裳拱手而坐也天子垂拱於上平和章明百姓
於下此堯舜之治天下太平故書曰平章百姓百姓
昭明是也

愛育黎首

育養也黎衆也黑也謂民之首黑也如周文王築靈
臺得枯骨取而葬之曰百姓投周八十萬戶文王見
無衣者給帛與之無食者開倉給粟與之文王有慈

愛之心百姓殷富行者讓路耕者讓畔此愛養黎民
之功也

臣伏戎羗

戎羗西夷也人君以德化天下感四夷皆來臣伏也
昔周武王伐紂立為天子感得東夷西戎南蠻北狄
皆來臣伏惟有丁侯一國不降武王謂太公曰一侯
一國不來降伏其國路險峻非人力之所得如何太
公曰臣有愚計不用尺兵寸刃使丁侯自來武王曰
願公設之太公乃使人縛一草人似丁侯形狀立於
殿前令武王逐日射之甲乙日射其頭丙丁日射其
目戊巳日射其耳庚辛日射其鼻壬癸日射其口盡
丁旬日使丁侯乃病架如其言丁侯召太史之太
史曰大王此病為周武王得天下未順王化是以病

取丁侯曰何計得瘥太史曰可取駿馬三千疋出庫
賁物將獻周王王病瘥丁侯依奏將奉武王太公
頌得物諛使者曰汝但歸國即令汝王病瘥太公以
甲乙日去其頭箭丙丁日除其目箭戊巳日去其耳
箭庚辛日去其鼻箭壬癸日去其口箭旬日箭盡丁
侯病果瘥即自來歸伏武王也

遐迹壹體率賓歸主

遐之言遠迹之言迹漢書賈誼曰天子者天下之首
蠻夷者天下之足言天下之大或遠或近脈絡貫通
如人之下身體者身也率者皆也言明王治國遠近
之人相率而來賓伏歸順也

鳴鳳在竹白駒食場

竹鳳之所棲場駒之所止上天降鳳為瑞鳳來則在
竹間蓋鳳之所欲也毛詩注云鳳凰非竹實不食也
賢人乘駒而告謀駒之來則食於場中蓋駒之所居
也毛詩云皎皎白駒食我場苗者是也

化被草木

被及也明王治國有道雖草木微物亦皆霑被德化
毛詩云周家忠厚仁及草木文仲子云虞氏之恩被
動植是也

賴及萬方

毛詩云一人有慶兆民賴之賴被也及至也明王治
國萬方皆賴其化之被及也

蓋此身髮

蓋者語辭孝經云身髮髮膚受之父母言人之下身
四骸事皆受父母之氣而生

四大五常

四大者地水火風乃以成身地為骨肉大水為血火
火為氣大風為命氣大此四大以成身也老子言
大者天大地大道大王大亦大域中有四大而王處
其一此二說不同故兩存也五常者仁義禮智信也
好生惡殺之謂仁奉動脩理之謂義敬上愛下之謂
禮臨機制變之謂智言無反覆之謂信人當行此五
常者立身之道也

恭惟鞠養

恭敬也惟思也鞠猶撫負也言人當恭敬思念父母
養育恩則為至孝之人毛詩云父母兮生我母兮
鞠我長我育我欲報之德昊天罔極者是也昔有張
禮遇飢饉之年孤養老母在堂年八十餘禮拾葉飯
於路遇賊欲殺禮食之禮叩頭云家中侍養老母朝
來未得食乞命少時歸家與母作羹却來就死禮若
不來任就家斬為百段賊遂放去禮至家慙愧與母
作食供訖女怪問曰今天下飢荒汝何慙愧禮曰兒
在田拾葉飯遇賊欲殺兒為母未食乞命暫歸苟或
憂愁母必不食是以強咲阿娘好任兒今去就死母
曰汝既脫賊歸去何更自就死禮曰兒若不去賊來
斬家族恐驚阿娘即非為孝子其弟隔門聞之密自

去賊所謂賊日向者欲歸作美者是兄兄孝養老
每年老辛苦羸瘦弟肌肉多願代兄命兄復至賊所
謂賊曰禮本許殺何得殺弟賊見二人慈順皆不忍
殺更與禮米二石鹽一斤歸侍養老母以全孝敬之
道也

豈敢毀傷

人生四大之中懷五常之性敬念父母鞠養之恩不
敢毀傷其身髮膚也孝經云身髮膚受之父母
不敢毀傷孝之始也禮記云父母全而生之子全而
歸之可謂孝矣皆所以明不敢毀傷之意孝子之法
外不為非內能行孝不犯三千之刑則無毀傷之患
苟或犯刑身遭鞭杖憂及父母則為不孝矣

女慕貞潔

慕者思也潔者清也本作清貞潔者真正也女人身
正清潔為本也女未嫁之時出門心擁蔽其面夜行
以燭無燭即不行也昔沛人周都娶趙英女為妻經
二年周都身死其妻誓不再嫁乃以刀截其鼻以表
不再嫁之心也

男効才良

效者孝也才者德也能也良者善也男子之人用孝
才德良善為上也漢昭帝召集天下學士時南國有
張重年十四亦至殿前帝見小兒怪而問之曰卿是
何人重曰是學士也帝曰卿年幼少豈有才學重曰
陛下召集學士要論肉重骨多者有才學少者即無

才學帝亦問曰卿是何州縣人答曰臣是日南人姓
張名重帝慢曰卿是日南人可向北看日重答曰
北有雲中之郡百姓豈向半天而居東有雁門之郡
豈即累尸為門東北有北海之郡百姓豈向水中安
居西南有蓋城之郡豈累蓋為城臣所居地名日南
豈即向北看日陛下不解而問臣豈不是九州之闈
君昭帝羞之無言可答三公奏曰張小兒輕慢陛下
帝乃處分殺之張重合掌向天大哭帝曰朕欲殺卿
何不憂死而反咲耶重曰臣見陛下殺之是以喜悅
不已臣是邊夷小國人今至陛下殿前死得天子處
分是為喪主三公送出朝堂門即是得三公為送喪
客雖死何憾是故喜之帝見其言赦之不殺封為雲
中太守重答曰臣不明雲中太守願與臣九州學士
若天下有學士共臣論難臣若一句有失任陛下斬

為兩段帝問曰天有頭否答曰天有頭向西詩曰乃
眷西顧是也帝問天有口否重曰天有口經云王女
投壘天為之咲天若無口何以能咲又問曰天有耳
否重曰詩云鶴鳴九臯聲聞于天天既無耳將何以
聞又問曰天有足否重答曰有足詩云天步艱難帝
曰善哉遂封重為九州大學士也男子之中須舉才
德為善若夫孟子之亞聖大才曹子建七步之才曹
時月下苟鳴鶴雲間陸士龍皆才善者也

知過必改

有過能改與無過者同過而不改斯成大患論語云
過則勿憚改誰人無過有過必改孔子曰聞義不能
從不善不能改是吾憂也昔秦穆公失駿馬有五
人盜殺而食之事敗見穆公合死却賜藥酒云飲此酒

能解馬肉之毒恐致食肉發病遂放此五人五人既
死改過自新念欲報恩後秦與晉戰此五人不惜
命為先鋒將大敗晉軍穆公問曰君是何人不惜驅
命答曰臣五人昔盜大王馬殺而食之事敗命死大
王賜臣酒飲放臣之命臣改過後不為盜念欲報恩
見秦軍欲敗臣等五人併命故敗晉軍以報大王之
恩穆公曰陰德得陽報此之謂也

得能莫忘

既得善能其心切勿忘之孝經云中心藏之何日忘
之子夏過子貢家子貢為設食子夏曰費哉子貢曰
一食之餘有何費之然自有三費子夏願聞之子貢
曰少而學得老而忘是為一費少而相知老而斷絕
二費為上不尊為下不恭是為三費也子夏曰善哉

罔談彼短

罔者無也君子不談人之短不自道己之長聞人善
喜之聞人之惡為憂掩惡揚善君子之道也顏淵問
子張曰居世何以為患子張曰貴與賤共居使賤者
怨為一患自人言鬪爭若求勝為二患凡見人有惡
事數之為三患是以君子戒此三患也

靡恃已長

靡者無也君子之人不恃自己之所長則無言選志
縱其所為也

信使可覆

信使可覆

覆者猶起也。君子之道，不失期信。詩人：一諾千金，不
移也。魏文侯與楚王期獵，至期日，雨，文侯罷雨而去。
左右諫曰：雨甚，不可去。文侯曰：與人為期，豈可失信？
漢時郭細侯任并州刺史，年滿解官，有騎竹馬小兒
來問：木字何日去？小兒等欲送，細侯與期於路，數日
中小兒騎竹馬至，然始發車而去。歎曰：竹馬小兒尚
不失其信，何況君子乎？昔有張元伯與范巨卿為友，
巨卿向長安別元伯曰：我故上蔡君，至九月九日，只過
吾家來相待。至九月九日，巨卿殺雞炊黍米飯，母問
之何謂也？巨卿曰：與元伯期，今日來。母曰：千里為期，
豈能即至？巨卿曰：此人不失信，須臾元伯來，相隨拜
母。母曰：我兒有千里之期，不失信也。巨卿後得病，臨
死，啓母曰：兒死之後，待元伯來，即埋。母曰：此去千里，
誰為汝報之？曰：兒自去報。果死，其夜託夢與元伯曰：

我今死也，用君埋我，可起吾屍，共汝別。元伯驚覺，流
淚曰：我友巨卿死也，遂即乘白馬來，未到之間，母方
載。巨卿至墓下，欲埋之，數人昇棺不肯入。墓中人怪
之，母曰：巨卿死時，云待元伯來埋之。人歎曰：誰為報
之？云：兒自報之。須臾從西有一人乘白馬行哭而來，
果是元伯。下馬伏棺大哭，遶棺三匝，執紼引前入墓。
棺不用多人，適然入墳。此亦為信使，可覆也。

器欲難量

量度也。言人之器欲識其高遠，不可側度。漢時郭林
宗遊於汝南，聞袁高鳳有奇才，就彼談論。高鳳見林
宗來，引至宅相對談論。須臾林宗不宿而退，歎曰：高
鳳三才之器，譬千仞之高峻，萬頃之沼池，澄之不清，
撓之不濁。其器深廣，難量我之於彼，何可擬也。

墨悲絲染

墨子名翟梁惠王時有道之人出行見素絲染從餘色悲之曰人湛然同於聖體為居惡俗染之成累近愚者不賢近穢者臭近蘭者香人之善惡皆由染之成性堯舜染許由而成聖君紂染崇侯而成闇主近墨者黑也近朱者赤與善人交如蓬生麻中不扶自直與惡人共居如抱兒踰高一人墮地二人俱傷也

詩讀羔羊

毛詩有羔羊之篇讀詠召南之國化文王之政在位皆節儉正直德如羔羊也言當時士大夫能羣不失類行不阿黨死義生禮故皆節儉正直德如羔羊者也羔羊飲乳跪飲不違於人飲乳猶懷於人可嘆也

景行維賢

人龍不若此禽獸故申辭作羔羊之詩也
大丈夫德行如日景之在天四方皆知名也昔魯國賢女名漆室年二十明曉經史觀知國事倚柱而吟泣涕如雨其妹名知識曰姊欲嫁也何悲之甚漆室曰為國君年老太子幼少未能治化恐廢臣亂廢故憂之豈思嫁也知識曰國外有強臣內有輔相何憂何慮乎漆室答曰切聞江河溫九里浸潤三百步以近譬遠以高評下去年東家朱火凶燒吾國使吾昔年無菜可食西家失女吾兄與取之渡河溺死使吾終身無兄因君年老君弱臣強一屋無貓老鼠白日而行是以憂耳後一年魯國果亂孔子曰巢居者知風穴居者知雨而賢聖女子能知未來之事論語云人無

遠慮必有近憂焉

克念作聖

克能也又勝也楊子云勝己之私之謂克尚書云惟在克念作聖雖在妄之人一念之頃回心向道則可為聖人曰聖曰愚皆根於人之一心為善為惡乃有間耳文王本非聖人由其念慮不離聖道故八百諸侯號稱為聖人紂實非任由不念其善故為無道之君一念之間誠不可不致謹也

德建名立

禮記曰有大德者必得其名文王有明德名立萬代皆知其為聖人孔子有至德立言垂訓名同日月萬代傳之君子懷德自然名譽昭著非亦下身之美亦

使遠人咸慕也春秋傳云齊侯伐楚陳諸侯之師也畢完同乘而觀之齊侯曰以此眾戰誰能禦之對曰君若以德綏諸侯誰敢不服君若以力雖眾無所用之此言名立由先於德建也

形端表正

禮記云夫形正影必端表斜影必曲君子之人不受斜僻之言抱志賢貞不見一行縱逢衰亂不為強暴之勇俗有傾移不奮恭謙之操柳下惠頗叔子是也叔子獨居家夜逢暴雨隣家有女子其舍為雨所損投來叔子家叔子恐人疑之至明篝火薪蓋撒屋草燒之不虧其志柳下惠朝參不及歸家宿於城門側夜寒凍恐女子寒以袍覆之至明不虧其行此二人堅志形正表端如此也

空谷傳聲

深谷之中必有響聲相應也昔陳思王遊於梁山忽聞岩岫之中誦經聲清麗華響杳然欽衿而前所習此聲傳之於世即今梵音是也晉公子重耳驪姬難走投楚舅犯趙襄介子推三人從耳獻公死奚齊卓子立人皆不伏李克殺之重耳聞遂歸國共介子推隨路糧食之盡子推割股肉與重耳食之得建國立為文公場犯趙襄皆拜為上卿唯子推不蒙爵錄子推懷恨遂將筆詣文公殿門題其柱曰有龍矯矯傾天失地三蛇從之周流天下二蛇入國皆蒙爵位一蛇斬股方棄外澣文公備顧問見其辭知是子推遣削去字轉分明公訪覓子推子推啓母曰寧取一此榮華為取萬代留名母曰取萬代留名遂走入履金山

中召不能得見山頭喚谷下應谷下喚山頭應文公使人向樹下著水盥盆水以火燒山圖得子推入水子推乃抱樹而死遂寒食斷火以報之此谷中傳聲響是也

虛堂習聽

虛堂靜室習听其音魯恭王欲壞孔子宅為宮可聞講堂之中金石絲竹之音使人聞之得先王典籍遂不敢壞之也

禍因惡積

易云積惡之家必有餘殃咎漸致衰禍太公曰羅網之鳥恨不高飛吞鈎之魚恨不忍飢人生誤計恨不三思禍若及已悔欲何為天不容惡惡還害身若行

不善禍必及身晉靈公不君日夕矯奢行不善之事
令人莫能掌未熟急思食殺宰人行一不善也大夫
趙盾以忠言直諫不納欲殺之二不善也羣臣正朝
之日對諸侯放彈失君臣之禮三不善也諸侯正朝
却使美人裸形於殿前羣臣皆令走避之以取咲四
不善也大夫趙盾見靈公行此不善恐國之危亂乃
向後苑飲餼便殺靈公所謂禍不積不足以成身也

福緣善慶

易曰積善之家必有余慶言福及子孫也積善成慶
積惡成患積力成勇積土成山積水成海積學成君
子冰厚三尺非一日之寒彈冠之士非一日之官德
德之人福流子孫昔吳人孫鐘恭行善道種得瓜熟
時有三瓜於瓜園邊過嗅瓜香美語鐘曰無錢入公

可與一箇孫鐘遂請三人引入草庵中盛飯摘瓜設
食食訖三人語鐘曰將何以報鐘曰將一瓜之食豈
敢望報三人曰無可以報示君一葬地鐘隨三人行
語鐘曰欲得富豪欲得數世天子鐘曰四世天子豈
敢不望也遂視一地曰此處安葬必得四世為天子
遂別語鐘曰行百步勿回顧鐘行八十步看之見三
人化為白鶴飛上天去即知是仙人鐘遂擇日葬父
母感得天地雲霧罩右鐘累為吳王鐘生堅堅生權
權生亮亮生休休生和和生皓為晉所伐降為敵會
侯此行善福及子孫也

尺璧非寶

淮南子曰聖人不貴尺之璧而重寸陰禮記曰儒者
必忠信為寶賢者必不貪為寶故貪夫殉財烈士殉

魯太公曰賊能害己必須遠之求賊貪多則害已
昔吳王貪其國境欲伐楚興兵聚衆已經一年恐人
諫出令曰有人諫伐楚者斬之無人敢言時有舍人
郭敬見發兵乃撫掌大笑王曰卿何笑敬曰臣不笑
大王發兵臣笑隣家有一人將妻採桑路逢端正女
子遂棄其妻逐其女子求之不得却回就妻其妻亦
被人領將去矣臣咲趁其一而失三也吳王曰卿善
諫寡人之過遂收軍息戰去此貪者也

寸陰是競

楊子曰辰乎辰乎 曷來之遲去之速也君子競諸
矣晉書陶侃常語人曰大禹聖者乃惜寸陰至於衆
人當惜分陰豈可逸遊荒醉生無益於時死無聞於
右是自棄也呂氏春秋曰甯越少時苦耕友人謂曰

君學三十年可免貧賤越曰他食吾不食他寢吾不
寢以晝繼夜如此十五年豈不免哉遂勤學十五年
明達經史天子聞之召封爲侍中故曰寸陰可惜此
之謂也

纂圖附音集註千字文之上

注千字文

纂圖附音增廣古詩千字文中

資父事君曰嚴與敬

孝經曰資於事父以事君而敬同又曰事父孝故忠
上八十三
 可移於君聖人因嚴以教敬以順移忠之道蓋不出
 此資者取也用也曰者語辭也嚴者尊也凡事父
 君皆當盡尊嚴愛敬之道能以孝事君則為忠臣故
 欲求忠臣必於孝子之門昔楚惠王兄子白公亂楚
 王伐之不得王曰寡人聞忠臣必出孝子之門若得
 孝子為軍將必能伐之左右奏曰臣聞有申明者事
 父極盡孝楚王遂使人迎之申明曰我聞孝子不為
 忠臣今在家事父豈更背父事君遂不去王又召之
 申明固辭不往其父語申明日汝何不與楚王寧國

[Faint bleed-through text from the reverse side of the page, including characters like '申明' and '忠臣']

萬代留名汝但去吾必不死明遂辭父去楚王見申
明來大悅拜為驃騎將軍領兵伐白公白公曰申明
是孝子必為忠臣今為將軍伐我我必大敗左右曰
但縛取申明父來安我軍中及申明引兵至白公語
申明日汝父已縛在軍中矣汝可共我和若不和便
殺汝父申明語白公曰我聞忠孝二事不可並行我
今食君之祿豈更背君事父任汝殺申明又即震怒
發軍投得白公見楚王王大悅明啓王曰明父已被
白公斬死楚王聞語便命斬白公收申明父禮葬之
申明仰天嘆曰我雖有定國之功而有害父之耻遂
自刎而死也

孝當竭力

論語曰事父母能竭其力斯謂之孝孝者百行之宗

此者盡也言孝當盡其心力以報父母之恩毛詩云
哀哉父母生我劬勞欲報之德昊天罔極孝經云五
刑之屬三千而其罪莫大於不孝為人子者可不盡
心於孝道欤夫孝悌之至感動天地通于神明昔董
永事父母至孝家貧父母亡乃於富家舉錢四十貫
以葬之契約三年滿無錢還即沒身為奴遂得錢葬
父母如期果無錢還乃辭父母墳欲往為奴哭聲痛
切感得百鳥悲鳴樹木摧折聞者悉皆流淚永既別
父母墳去行至半路樹下息坐忽有一女問云君何
姓答曰姓董名永又問曰有妻未永曰未有妻女曰
妾上無父母下無兄弟未曾嫁人願與君為夫妻可
乎永曰今與人為奴尚無容身之處豈敢娶婦女曰
意相思何辭奴也遂相隨行至所舉錢之家主人見
永來問曰此是何女答曰是永妻主人曰女解何作

文曰能織縮主人曰與我織縮三百疋放汝夫妻俱
還董求夫妻行歸至所遇之處女謂求曰我非君妻
乃是天女見君至孝天使我與君織縮代還債今既
償了我當去也言訖騰空而上此乃孝感於天也

忠則盡命

為人臣者事君須忠忠必盡命前漢賈山曰盡忠竭
忠不顧死亡之誅言國家有事則必用命當先也昔
高祖為漢王時與項羽爭天下漢王被羽困於彭越
無計得脫其臣紀信曰臣聞主憂臣辱臣死今
事急矣臣請誑楚乃乘黃屋左纛出城東門詐稱漢
王降楚楚項羽望見大悅悉收四面軍兵漢王從城
西門而遁去紀信至楚軍羽認見其詐大怒遂以火

燒殺信此是忠臣為君代命也

臨深履薄

毛詩曰戰戰兢兢如臨深淵如履薄冰言事父與君
當恐懼戒謹如臨深恐墜履薄恐陷不敢安逸之貞
人處只富貴尤當戒懼不可驕奢滯佚乃能長守也

夙興溫清

毛詩曰夙興夜寢無忝爾所生夙早也興起也禮記
曰凡為人子之禮冬溫而夏清昏定而晨省此言事
親須早起以盡其力如周文王為世子常雞鳴時至
寢門而問安也昔黃香年十歲事父母孝順冬則溫
床暖被夏則扇其枕席常一夜五起視其被之厚薄
枕之高低也清七敬反

似蘭斯馨

蘭香草馨者香氣人能留其善名如蘭之香氣家語曰與善人交如入芝蘭之室言其香可服媚也昔晉獻公在位驕奢造九層之臺高八百戶役夫萬計男女廢業百姓困苦三年不成乃出勅曰有人諫造臺者斬誅夷九族無人敢諫時有姓荀名息問朝官曰公造臺費用浩大也何不諫之答曰有諫者誅九族也息曰公好何物朝官曰公好悲歌鼓琴計筭之事也昔息乃上書求見公乃張弓布箭然後引入公謂荀息曰子欲諫寡人造臺欬息見公欲射之乃曰臣不敢諫聞大王好悲歌鼓琴計筭之事故來請見公曰卿知三五幾何答曰大筭之數三五一十五也小筭之數三五八也公又問曰昨正月一日見婦人

抱一子問年幾許答曰或言二日或言二月或言二年卿知幾何息曰此孫子是臘月三十日生至正月下日是二日亦是二月亦是二年公又問昨有一客來說他年已三百甲子是幾何息答曰丁年六甲子五六三十三百甲子是五十年也公曰卿多智試為寡人撫琴息乃彈鄭衛之聲九曲使悲者喜喜者復悲孤兒寡婦涕淚沾衣公大感之又令歌而和之荀息唱鄭衛曲公益增感曰卿更有之何能息曰臣能累十二碁子上更累九箇雞子不倒公曰寡人未見可試為之荀息遂索碁子十士及雞子九箇累之不落公乃退席而下曰危哉息曰此未足危更有危於此者公曰更有何危息曰大王築九層之臺三年不成役士百萬男女廢作國內空虛百姓叛走隣國欲來伐王社稷可憂此是大危也公曰卿善諫寡人之

過遂罷九層之臺出庫賦帛付與國人太倉米給與百姓去者皆來民物康阜遂拜息為上卿此善諫之名傳之萬代苦蘭之馨香也

如松之盛

論語曰歲寒然後知松栢之後凋也松之有心四時常茂君子之人守志勵操遊於濁世如松之經霜雪不見其改柯易葉也

川流不息淵澄取映

流水為川積水為淵文選論曰譬之水也通之斯為川塞之斯為淵論語曰孔子在川上歎曰逝者如斯乎不舍晝夜言其不息也漢書賈誼賦曰澹乎若深淵之靜蓋川流取其動也淵澄取其靜也矣

容止若思言辭安定

孝經曰容止可觀容止威儀也禮記云儼若思安定辭君子容止儼然若有所思非礼勿動言辭不可妄發須當安定審其是而出諸口若非礼則勿言易曰言行者君子之樞機當謹其所發也劉向新序曰楚莊王蒞政三年不治不共羣臣言亦不出宮城上慶入諫曰臣見有一木鳥止南山之陽三年不飛不鳴臣請射之王曰此鳥不飛以長羽翼不鳴以觀群臣之匿是鳥雖不飛飛必冲入雖不鳴鳴必驚人土慶誓首曰所願聞已王大悅土慶之問乃隸為令尹授之相也

篤初誠美慎終宜令

五

篤者厚也令善也言始初篤志則實可美允宜謹慎
其終終始惟一誠乃為善也唐書房玄齡善始以終
此其成令名者也魏徵言太宗下勅至克終則未為
盡善也

榮業所基

基本也人能言行不苟謹終如始斯為榮業之所基
本君子以官榮為業以德為基昔司馬相如名太子
少喪父母與入牧猪聞蘭相如賢乃改名相如村中
有學舍每日誦書相如棄猪往聽諸主責之先生問
曰汝何放猪在此而戲相如答曰今聽講書擬致身
榮達先生知是賢人乃留於門下讀書經十年羣書
覽備相如辞去客遊梁著子虛賦後成成都家貧無
以自業與臨邛令相善臨邛富人卓王孫聞其名召

過家飲酒臨邛令索琴令相如彈之是時王孫有女
卓文君新寡好琴相如以琴心挑之文君從戶窺見
相如心悅而好之是夜走奔相如同歸成都家徒四
壁立後復至臨邛市中賣酒文君當坊相如親自滌
器卓王孫耻之杜門不出人勸王孫曰相如雖貧其
人材足依也王孫不得已分家財與之相如親曰本
丈夫豈藉婦女資乃與文君歸成都蜀人揚得意先
是故交後得意為狗監官侍漢武帝因進子虛賦帝
讀賦善之曰朕獨不得與此人同時哉得意曰臣邑
人司馬相如為此賦帝驚召見相如相如復奏上林
賦天子以相如為郎官後封為侍中此榮業所基也

籍甚無竟

竟終也漢書陸賈贊云名聲籍甚言籍籍然甚盛也

人有榮業之基則名聲藉甚傳之後世無有終窮也
竟景正反

學優登仕

論語曰學而優則仕仕而優則學而君子學問既高
則必登仕貴而享爵祿也昔蘓秦遊學十年不達歸
家嫂見不起妻不下機秦歎曰大丈夫不達妻嫂尚
輕之乃去後鬼谷先生勸學睡來以錐刺股經三
年學成仕齊為萊相說六國諸侯同心歸順秦謂
侯皆以印與蘓秦佩之秦歸家兄嫂皆遠迎之秦謂
嫂曰昔見秦不起今六十里迎我何也嫂曰今聞叔
佩六國相印而歸名揚天下榮顯祖宗功是以來迎
秦曰我之榮達是嫂之功也

揖職從政

君子學優既登祿位矣則必攝受職事以行其政令
所以任天下之重不負所學也荀道將任兗州都督
外甥犯盜道依法打死拽後園中衛後乃往哭其尸
曰打汝死者兗州都督哭汝者阿舅荀道將法今既
公無敢犯者也

存以甘棠去而益詠

毛詩有甘棠篇美召公也周時召公名奭為西伯常
坐甘棠樹下斷諸訟以善道治人百姓樂其化既云
皆思其德不伐其樹此言木雖存而人已去故歌詠
其詩者日益衆也

樂殊貴賤

先王作樂所以分貴賤使下不得以僭禮記王制曰天子賜諸侯樂以祝將賜伯子男樂以燕將之使貴賤有分也也昔季氏以八佾舞于庭是僭擬過也

禮別尊卑

先王制禮以分別尊卑天子冕服十二章公冕服九章侯伯冕服七章子男冕服五章士服藻火尊卑之序各有差等此禮制也

上和下睦

睦者親也上和下睦順父慈子孝兄友弟恭夫信婦貞此之謂也

夫唱婦隨

夫行善道婦必隨之後漢梁鴻慕道不仕納孟氏女為妻經年不共妻語或問之鴻曰見其身衣羅綺面施紅粉豈鴻之妻也妻曰妾觀先生之禮故施此也既不稱先生之願妾自有隱遁之志遂脫去著布衣荆釵而出鴻曰真吾妻也故曰夫行善道婦必隨之也

外受傳訓

傳師也訓教也男子七歲出外以受師傅之教訓學以詩書六藝為君子叔儒也

入奉母儀

女子八歲入內以事其母

女年十歲不出門，母教之婦，禮以事於人也。此入受
母儀也矣。婦音扶也。

諸姑伯叔

父之姊妹曰姑，父之兄曰伯，父之弟曰叔。諸猶衆也。

猶子比兒

禮記曰：兄弟之子，比已之子，故曰猶子比兒也。晉人尉郗鑿字道微，高平金鄉人，以儒雅著名。初值永嘉喪亂，有鄉里甚窮餓，鄉人以鑿名德，傳共飯之。凡子遵外甥周翼，並少常携之，就食鄉人。且各自飢困，以秉賢欲共相濟耳，恐不能兼，有所存鑿，於是獨往，食訖以飯著兩頰邊，還吐與二兒，後並存活。所謂不忘親戚者也。

孔懷兄弟同氣連枝

孔甚也，懷思也，念也。此言甚念兄弟之義，同受父母之氣，如樹之有枝，相連而生。姜肱兄弟六人，相怜愛，不忍分離。雖各有妻房，兄弟未嘗不同食夜，則同被而卧。出則易衣，此乃篤於手足之義也。

交友投分切磨箴規

氣分相投，乃為交友。當用相規，誨同為善道，有不善處，則必箴戒之。箴者如箴之療病，毛詩注云：朋友切切然，以禮義相琢磨。孟子曰：責善，朋友之道也。管寧與華歆為友，在路見金，鋤相讓，不取。而天見一鋤，人報之曰：樹下，有金，君可取之。已以鋤為兩段矣。二人見之，各持一段，故曰斷金之友也。分扶問反，投音

顯也

仁慈隱惻

孟子曰惻隱之心仁之端也當官必須行仁慈前漢于定國任東海獄官有一孝婦守寡不肯再嫁事姑至孝姑後九十歲死姑女言嫂有外情藥殺我母詠于太守于定公曰此是孝婦必不殺姑太守不察其情以十惡之罪斷之孝婦曰請立長竿懸帛五丈於上以表我心若實殺姑血流入地若事枉斷血飛上幡既懸孝婦血盡飛上幡自是東海三年大旱于公謂太守曰為前枉殺孝婦也太守遂過其塚發之當日雨澤沾足

造次弗離 同扇車

造次者卒也論語云造次必於是中庸曰是道不可須臾離也此言造次之間事不可忽也昔張舉任俊儀縣令有一婦人打殺其夫以火燒之云夫被火燒死弟來告云嫂藥其兄死燒之張乃取猪兩口殺一口活一口以火燒之看活猪口中有一死猪口中無灰遂看死人口中無灰即知打殺後燒之訊其婦人果然不離造次事得實情也

節義廉退

節者志操之心前漢蘇武使匈奴留之與武不交乃囚武於大窖中絕不飲食武卧齧雪與羶毛食之不死後徙武北海上使牧羊武持節牧羊十九年後還歸手持漢節不虧義者至正之理孔文舉年七歲共家人食梨惡者自喫好者留父母此人雖少懷孝

義之心，廉者清儉也。孫叔敖為楚相，身著狐裘，羸馬
弊車，人問之，曰：吾願如此也。退，辭讓也。伯夷叔齊，兄
弟二人，讓千乘之國，與兄弟隱於北海之濱。聞文王
為西伯，乃投於周路，逢武王興兵伐紂，叩馬而諫，曰：
父死不葬，一不孝；喪內興兵，二不孝；以臣殺君，三不
孝。左右欲殺之，太公曰：此賢人也。武王封為上卿，兄
弟二人不肯，事周入首陽山，不食周粟，食藜而隱。王
命子難曰：藜亦是周藜，乃受餓，天使鹿乳飲之，叔齊
謂兄曰：鹿乳飲之甚美，得此肉食之，更好。鹿知其意，
更不來，二人遂餓死也。

顛沛匪虧

論語曰：顛沛必於是，傾危又倒之，間君子處之當無
虧損其善行也。

性靜情逸

人之性既安靜，則其情必舒暢。逸樂，孔子出行，見一
老人，身著毛裘，鼓琴而歌。孔子問之，老人曰：吾性安
名，榮子又問曰：有何樂乎？對曰：吾樂極多。天生萬物，
人為貴，今得男子之身，最貴。婦人為賤，人生百歲，七
十者稀，榮年九十二，是吾樂矣。孔子曰：賢哉。

心動神疲

將心逐物，神即疲也。

守真志滿

真者道也，不真自然絕。上不雜之理，守道之人，志存
真，一道德充實，安於性分，無過求忌相，則志自滿足。

文中子曰志意修則驕富貴道義重則輕王公者此也

逐物意移

中人之性隨習則改逢善為善逢惡為惡以心不定逐物意移莊子云凡夫之人將有限之身求無限之物意常不定也

堅持雅操好爵自廢

雅正也操節也爵者祿也廢者係也人能堅執正節則好官祿自然羈縻也易係辭曰我有好爵與尔縻之後漢桓榮字春卿沛國人年九歲家貧與人傭力收猪手執卷讀之夜曰貧賤如此讀書何為榮執志節不改持書而耕鋤休息即讀之後明達五經教授

弟子三百人光武時為太傅後封關內侯諸子姪皆貴顯兄元卿曰我本田家子焉知學問為貴也

都邑華夏

天子之所居曰都禮記曰天下有主建都立邑左傳曰九邑有宗廟先君之田曰都無田曰邑邑曰築都曰城華夏中國之名曰中華又曰中夏家語曰裔不謀夏夷不亂華也此謂也

東西二京

東京洛陽是也西京長安是也周公作新太邑於東國洛成王都之是為東都後漢光武亦都此秦始皇都咸陽漢高帝伐秦子嬰先入關中與項羽爭天下五年成帝業劉敬說都長安是為西都在於雍州唐

太宗亦建都于此京者大也師者衆也故云京師

背印而洛

東都洛陽後背山前而洛水洛水伊水瀨水瀨水
四水合流入黃河也

浮渭據涇

渭涇皆水各長安城後有八水渭涇濃灞澧洛潏瀁
此八水皆遠長安城言京城據此如浮在渭水上也

宮殿盤鬱樓觀飛鷲

言說京都二處宮殿樓觀盤據鬱鬱崢嶸形勢如靈
斯飛見者駭然故曰飛鷲觀古與反

圖寫禽獸畫綵仙靈

言帝王之宮殿樓觀皆圖寫珍禽異獸及綵色畫出
神仙靈異人物以為美觀也

丙舍傍啓

丙舍者是天子宫內院啓者開也傍欲開其門以通
正殿曰啓丙者殿前上墻是也

甲帳對楹

楹者是殿中桁柱也漢武帝造屋楹音盈帳名甲乙
在殿兩楹之間是也

肆筵設席

肆筵設席

肆者敷也設也筵者天子殿上席維四邊故曰筵殿
二東西設九筵各長九尺南北有七仞長四十九尺
天子大朝之日在於殿上會宴諸侯而設也

鼓瑟吹笙

天子設筵席以會諸侯於殿上必作樂也故用鼓瑟
吹笙瑟伏犧所造黃帝命素女鼓瑟帝悲不止故破
五十絃為二十五絃王子晉吹笙作鳳鳴感得鳳凰
至乘之而仙去也矣

升階納陛

天子之階曰陛九級上廉遠地則堂高諸侯上殿於
東階先舉右足於西階先舉左足此公卿見君之禮
也

弁轉疑星

諸侯不朝皆服皮弁唐書曰弁以鹿皮為之有鑿以持
髮毛詩云會弁如星言其上珠玉如星也

右通廣內左達承明

廣內者天子內廷又云大內是也承明亦天子大殿
在右渠閣外直宿所止曰承明庑此言正殿之所在
通廣大左達承明也

既集墳典

言殿廷之上聚集先王典籍伏犧神農黃帝之書謂
之三墳少昊顓頊高辛唐堯虞舜之書謂之五典也

亦聚群英

殿上既集諸書，又會聚眾英賢之人，講論經理。漢開石渠閣，集諸儒，誦五經，同異蓋緣。秦始皇無道，有燕人盧生奏錄圖書，曰：亡秦者胡也。丞相李斯等曰：此皆是讀書人之有詐也。願陛下焚燒却天下經書，凡學士並誅斬，而坑之。自是書籍焚滅，散亂。故漢聚群儒而講論之。

杜稟鍾隸

杜操為漢丞相，善草書，魏大尉鍾繇改小篆書為隸書，傳之。

漆書壁經

漢靈帝有詔，使人於嵩山石壁以漆書，恐其字滅絕。鑿石壁作字，見在嵩山。今有學士向彼正五經字也。又尚書序曰：魯恭王壞孔子旧宅，以廣其居，於壁中得先人所藏古文虞夏商周之書及傳，皆科斗文字也。

府羅將相

羅列也。言府內羅列皆將相之官也。漢高祖共項羽爭天下於滎陽，使韓信將兵東擊齊。齊王使人於項羽請救，項羽使龍且救齊。曰：韓信無兼人之勇，不足畏也。與信夾淮水而布陣，信夜使人為萬餘囊盛沙，壅水上流，引兵擊龍且，却詐走龍且。兵趨逐渡水，信使人未壅囊沙，水大至，龍且兵大半不得渡，即擊殺龍且虜齊王，而歸。項羽見殺了龍且，大怒與漢王戰。

凡五年經七十二陣漢兵皆不利韓信曰臣試得一計破管必得項羽軍敗信乃將得漢旗夜半令王陵等偷入項羽營內二人齊斫明日楚軍望見盡是漢旗兵皆大亂項羽見軍敗亦南走至烏江被信領兵追及項羽渡江不得更共漢兵而戰箭盡弓折自知計窮乃大叫一聲漢軍驚散退數步而倒韓信趕進斬項羽頭呈漢王漢王即皇帝位天下太平置酒於維陽宮會宴功臣定功行封列十八侯之位次將相文武兩班咸稱萬歲也

路俠槐鄉

京師道兩邊種槐象天子宮內有三槐九棘像三公九卿周禮朝士左九棘卿大夫位焉右九棘公侯伯子男位焉面三槐三公位焉昔周時置三公太師太

傅太保是也周公為太師召公為太保太公為太傅九卿者朝中有九寺各有卿太常寺一司農寺二大理寺三光祿寺四宗正寺五大府寺六太僕寺七鴻臚寺八衛尉寺九此九卿也

戶封八縣家給千兵

漢高祖既定天下有功者封八縣之邑有德者家給千兵剖符作誓曰黃河如帶太山如砥國以永存及苗裔蕭何功第一封為酈侯張良為留侯食邑萬戶陳平為戶牖侯韓信彭越英布皆封為諸侯王也

高冠陪輦驅轂振纓

天子冠高七寸輦者天子所乘車輅也轂車輪也纓冠帶也衛從天子出入曰陪輦則必推其轂而使行

振其纓而結就也

世祿侈富車駕肥輕

侈者奢也尚書曰世祿之家鮮克由禮言其世代貴官則必奢侈豪富高車出入乘肥馬衣輕裘西京雜記晉武帝賜王愷奢侈乃以人乳煮肉帝過其家食之味美因貴重之令移北邙山下居欲之其人多地貴奴馬賊帛置地作塚布錢遍地時人號曰金錢塚共石崇鬪富愷以石脂泥壁崇以香栴泥壁武帝與愷珊瑚一株高四五尺愷以示崇崇見之以鞭打碎愷失色謂崇曰天子庫中惟有此一株特賜與我公何打破也崇曰待儂之無慮遂使人開庫取得珊瑚樹六十株勝愷者二十餘株尚云更有好者遂取二株愷之愷以紫紵步障四十里崇以紅錦步障五十

且愷過崇家因往廁所見四侍婢出迎人著錦綉之衣妙絕端正愷恐誤入崇室中崇曰此厠婢也愷登厠四婢各持錦籌進前愷慙而下謂崇曰愷雖是天子舅未嘗見此侈美也

漢功茂實勒碑刻銘

東立也前漢司馬相如賦飛英聲騰茂實茂盛實事也立功達名則刻石傳之不朽也後漢竇憲伐匈奴奏捷登燕然山刻石勒功紀漢威德令班固作銘也唐書太宗破高麗號所幸山為駐蹕山勒石紀功也

碯溪伊尹

尚書中侯曰太公即碯溪之水釣其涯得玉璜列曰姬受命呂佐之封在齊後果封於齊碯溪水名太公

垂釣之處太公姓姜名子牙冀州人
生來好學經書抱性朴直遭殷末世大亂生計皆不
適意在市販魚值天大風屠牛遇天太熱
賣漿時天亦賣飯時歲豐牲牲不遇其妻
馬氏遂辭去子牙聞西周有聖人遂
西行至磻溪之谷釣魚為活周文王出獵
遇見之問曰沈釣於水何使其直釣如何
得魚子牙曰取負命之魚王曰老人在此
釣來幾時曰今經一載又問曰有何兒息
對曰無妻息不憂無妻息只憂國無王文
王曰紂今當王何憂無王子牙曰紂王終
是無道之七文王知是賢人令同車行至
岐州封桓且公文王忽夢一女子倚其門
而哭曰我是東海龍主女嫁與西海龍
王子為妻公姑嚴惡今將東還必有暴
風甚兩傷人苗稼今要過此界恐傷桓
檀公境內苗稼是以哭之文王驚覺益
知子牙是賢人改為太公位加

尊敬文王死了武王立拜太公為師伐紂
為先鋒武王號為尚父及得天下封為齊侯
太公至齊國境見一老母行哭前夫太公
曰前夫是誰母曰姓姜名子牙太公曰吾
是也母喜曰可更為夫妻乎太公曰汝取
一觚水來母取得水至太公令傾向地上
却令母再收取母曰水落入地收之難得
公曰恩愛一別不更重命亦如此水遂
鳴鼓而去其母羞恨而死於路傍行人嫌
之積土於上遂成大陵時以号曰無知馬
氏老母之塚也伊尹者莘國人母懷伊尹
之時忽於空中神人告曰明日有大水來
可向東走勿回顧人盡怪之明日果有大
水至遂東走十里外回顧人遂身化為枯
桑樹中有兒啼哭乃收而養之長大有賢
德佐湯王伐夏桀有功後為姜相也

佐時阿衡

左助也湯王用伊尹為丞相尊号曰阿衡阿者倚也
衡平也言伐夏桀之時得伊尹佐助今倚賴佗輔相
致天下太平也

奄宅曲阜微且孰營

奄有也宅居也微無也孰誰也營經也曲阜地名昔
少昊之故邑今魯城也且周公名也周公封於魯而
居曲阜之地此言有此曲阜而當時若無周公則誰
能經營之

桓公匡合濟弱扶傾

匡正也合會也言齊桓公治國會諸侯一匡天下有

襄弱者扶濟之使其強有傾危者扶持之使其安論
語曰桓公九合諸侯一匡天下民至于今受其賜也
矣

綺迴漢惠

綺者是綺里季南山四皓也昔秦始皇無道焚書坑
儒有四人避難隱於弘農山時年老鬢髮皓白時
人號曰四皓一名東園公二名綺里季三名夏黃公
四名南里先生漢高祖既立惠帝為太子又竈戚夫
人欲廢先太子改立超王如意為太子乃戚夫人之
所生之子也諸臣諫不得呂后問計於張良張良曰
此難以口舌爭也願上有所不能致者四人此四人
者皆以帝受侮慢人故逃匿山中義不為漢臣然帝
帝高此四人公誠能使金帛令太子為書果辭厚禮

以召之若得此四人來亦一助也於是呂后如張良
說使入迎之四人至偶燕羣臣置酒太子侍四人從
太子皆年八十餘鬚眉皓白衣冠甚美帝怪而問之
四人各言姓名帝驚曰吾求公逃避我今何自從吾
兒遊乎四人曰陛下輕士臣等義不辱今太子仁孝
愛士故臣等來又聞陛下欲廢嫡立庶臣恐天下危
莫不願為太子死者帝曰須公幸調護四人為壽已
畢趨去帝自送之召戚夫人曰我欲廢嫡立太子彼
四人輔之羽翼已成難動矣戚夫人泣下帝曰為我
作楚舞吾為汝作楚歌云遂不易太子是為惠帝此
言迴者謂綺里季來挽回王亦不廢事帝也

說感武丁

說者傳說也武丁殷高宗也傳說與胥獯刑人版築

於石岩之下感得武丁夜夢見賢人輔佐共治天
下竟來識其容身命畫土圖形徧求天下至傅岩惟
傅說相庸乃立為宰相及高宗諒闇三年不言百官
悉已以听政於冢宰

後又密勿多士寔寧

後又者賢人也密勿猶親密也言天子與賢人相親
密則朝中多君子寔是安寧矣毛詩云濟濟多士文
王以寧也

晉楚定更霸

五霸在晉文公楚莊王更昔代也言晉楚二國相更
代霸諸侯也晉文公名重耳遭後母驪姬之難走於
楚楚王以禮得之經十年晉獻公死驪姬之子夷

莊子字敬中

晉立為國，大夫李克殺之。重耳聞之，辭楚，敗國。楚王
重耳曰：子得歸國，立為王，將何以報寡人？重耳曰：
得歸國為王，楚與宋戰，我當為之。三敗以報之。重耳
既歸，立為文公，將兵與宋戰，為之三敗，報其恩。楚王
更戰，文公縱兵戰，大敗楚王，歎曰：重耳為吾三退，以
報吾恩，今自更戰，大敗寡人之過也。

趙魏困捕

關西為橫地，關東為縱地。秦昭王居關西地，東趙魏等六國皆懼秦，共謀舉兵合從以攻秦，以困其橫也。

假途滅虢

假借也。途，路也。滅，伐也。虢，國名。其地與虞國相連。

獻公欲伐虢，須用從虞國過，欲借道於虞。恐虞公不許，大夫荀息令獻公使人將千金馬並璧玉與虞公，買道過代。虢虞公許之，大臣宮之奇諫，虞公曰：「可。鄰遠，晉公馬璧不可放，晉兵過，虞與虢如唇齒相依，唇亡齒寒，若放晉兵過，迴兵必伐虞。」虞公不從，遂放晉兵過，伐虢，迴兵果伐虞，宮之奇曰：「大王貪寶，二國此之謂也。」

踐土會盟

踐土地，名屬鄭地。春秋魯僖公與晉文公會，諸侯盟於踐土也。

何遵約法

漢高祖監秦之苛虐，乃約法三章，只是殺人傷人及

盜賊罪他皆除之蕭何為相定律令遵守而行之也

韓弊煩刑

韓子名非為秦相法令煩重連相坐之法造參夷之
誅增加肉刑木辟有鑿顛抽脇鑊烹之刑始皇專任
刑罰諸衣塞路囹圄成市天下大亂山東六國自立
欲為王丞相趙高亦自立欲為秦三指鹿為馬欺困
二世使閻樂趙成二人將兵立子嬰為王向經陽厖
中設齋又擬殺子嬰遂誅趙高子嬰降漢漢王寬大
約法三章天下感漢秦法煩重孽極亂生皆韓非子
之所致也

起翦頗牧

起姓白名起翦姓王名翦二人為秦將頗姓廉名頗

牧姓李名牧二人為趙將此四人皆名將也白起領
兵於東境以敵趙趙使廉頗領西境以防秦皆不敢
交戰起乃設計自言曰秦兵不怕廉頗惟怕趙括趙
王乃使趙括代廉頗領兵敵秦被白起引趙兵於長
平一陷四十萬人盡坑殺之射殺趙括此白起之將
切也王翦有智計李斯啟秦王曰欲併關東六國唯
王翦可使王即喚翦至有將軍李信在側王曰謂信
曰欲併六國且先伐楚卿能去否信曰臣能去與臣
二十萬兵即得王又謂翦曰今欲先伐楚卿能去否
翦曰臣能去願請六十萬兵往伐王曰翦年老不堪
用問寡人索六十萬兵翦因謝病歸王遂只發二十
萬兵與信更遣副將蒙恬同去伐楚一入境被破楚
兵隨之大破二十萬兵並殺盡秦王聞之大怒遂自
向穎陽喚王翦翦見王來乃託病不起曰更教李信

去王曰已被李信辱國今聞楚王悉發國中兵馬來
伐諸卿一往敵之翦曰臣年老因病不能去願大王
自選軍中賢將少壯者往王謝曰將軍老成不須更
激寡人翦曰若使臣去須得六十萬兵乃可王曰所
將軍計於是翦領兵六十萬行到斬南即逢楚王悉
發國中兵馬來相遇於路翦乃設計交戰大敗楚兵
生投楚王乃縛歸秦便迴兵伐魏魏王自降王經三
年悉併關東六國秦遂為皇帝皆王翦之功也廉頗
為趙襄王大將伐齊攻魏皆立大功以勇氣聞於諸
侯拜為上卿李牧有智計謀略事趙悼襄王為大將
守北邊十餘歲匈奴不能敢近趙邊城之也

用軍最精

此四人皆善用軍於國有功天下無不憚之也

宣威沙漠

沙漠者邊塞外匈奴遠地也古之名將征伐四夷皆
立大功威名振於荒落之外也若趙之廉頗李牧燕
之樂毅前漢有李廣張騫傅介子衛青鶴去病金日
磾趙充國陳陽後漢有馬援竇憲班超蜀有諸葛亮
唐有李靖李勣李光弼郭子儀李成馬燧渾
瑊之徒皆威振四夷名標書史者也

馳譽丹青

譽名譽也丹青畫也古之名將有功皆是圖畫形容
留名萬古如前漢武帝作麒麟閣以畫功臣後漢明
帝圖二十八將於南宮雲臺唐郭子儀圖形凌烟閣
者是也

九州禹跡

夏禹王平水七分天下為九州一冀州一兗州三青
州四徐州五揚州六荊州七豫州八梁州九雍州此
九州之地夏禹王之蹤跡也

百郡秦并

秦始皇姓嬴名政居關西治關東有六國各自霸王
始皇十二年有楚臣李斯背楚而事秦秦王不納
卿是楚人背楚歸我豈有忠心勞卿遠來當却歸本
國去李斯啓秦王曰昔秦穆公納申屠百里奚為相
秦賴以強豈不是外國人秦獻公納商鞅為相獻公
以強亦是外國人秦惠王納張儀為相亦是外國人
秦昭王納范雎為相亦是外國人此以前四君皆納

外國人為相秦遂強大客有何負於秦也今關東六
國皆懼於秦臣是以奔來事大王大王若納臣則大
事可濟併六國不難也始皇遂納李斯為客卿李
斯奏曰臣聞以強伐弱如勇士掃土不足為功秦王
曰卿設何計也李斯曰與臣金萬斤即併六國秦王
遂與金萬斤李斯召天下才智人設計以重賞之於
是納王翦為併六國歸秦天下始一統始皇然後分
天下為百郡也天

纂圖附音集註千字文由

鴈門紫塞

岱山高峻鳥飛不越惟有一缺門鴈來往向此缺中過人號曰鴈門山出鴈鴈過多被鴈投而食鴈欲過皆相待兩相隨口中嚙芦一枝然後過缺中鴈見芦懼之不敢投鴈也古詩曰嚙芦過岱嶺直望鴈鵞河岱山鴈門南有鴈鵞水二水並流急時齊急緩時齊緩相應而流故曰鴈鵞水紫塞者岱山有紫壘城城傍有紫塞草生紫色故曰紫塞也

鷄田赤城

鷄田澤名在城西之傍黃河千里無草生時人號曰砂磧千里無水草也赤城在霍河山北晉安郡也又云雍州東二百里有赤水周時故關是也

昆明池碣石

長安城西有昆明池漢武帝時南夷有昆明國城地方三百里居水之中能水戰武帝每伐之不得乃設計擬長安城西二十里穿一池方四十里池水滿中造船放上教水戰遂破彼國置為昆明州便號其池曰昆明池也碣石海畔山名秦始皇遊天下行至碣石山遂登山望海見三山問左右曰此名何山徐福曰此三山名蓬萊方丈瀛州有石堂方圓千丈可坐萬人其人皆服仙藥長生不死始皇曰誰能與朕取仙藥徐福曰臣能往彼處但用童男童女各五百人同往即得仙藥始皇牒而索得童男童女五百人與徐福去遠期不返始皇怪遣使人看之徐福謂使曰蛟龍所苦始皇遂造大網捕之得大蛟龍魚長十

里始皇殺之便病歸至平原病重自知不達咸陽乃
留遺書與郎將趙高曰朕死後持此書向北境喚取
扶蘇太子為天子葬朕於驪山趙高收得書往至沙
丘始皇崩蓋相李斯不發喪恐天下亂不用溫涼車
載始皇每日上食如故惟有親近臣四十餘人知之
行數日始皇漸有臭氣李斯恐余人知死有亂乃取
鮑魚鮓以載車後以使久只謂鮑魚鮓作氣也行數
日趙高謂胡亥曰陛下有子二人惟大王最大時
陛下留遺書與臣令北境喚取扶蘇歸為太子扶蘇
心大王無尺寸之地可喚取蓋相李斯來平章此事
胡亥便喚得李斯來謂斯曰陛下已崩遺書與趙高
令立扶蘇為天子必用蒙恬為相公意如何不如詐
作始皇書殺却扶蘇太子更賜蒙恬死立胡亥為天
子宜不失宰相本位也李斯如其言既殺扶蘇乃發

始皇喪葬于驪山便立胡亥為二世之帝也

鉅野洞庭

鉅野者鉅鹿郡之野屬魏地洞庭者彭蠡澤一名洞
庭湖周禮揚州其浸五湖注云太湖方五百里故曰
五湖揚州記太湖一名震澤一名洞庭在巴陵岳陽
有君山居其中人望之號一點青也

曠遠綿邈

曠濶也綿邈並遠也言鉅野洞庭皆濶遠也

岩岫杳冥

山有石曰岩山有穴曰岫杳者遠也冥者冥冥之白
莫之不覓也說洞庭君山遠而難辨也

治本於農務茲稼穡

漢書曰農者天下之大本晉書曰稼穡者國之大本不可不急一夫不耕有受其飢一女不織有受其寒故男務耕女務紡績衣食既足則知榮辱所以天子親耕藉藉田皇后親自養蠶蓋勸人務本業也

俶載南畝我藝黍稷

俶者始也載者事也南畝者田也藝耕耘也黍稷類稻之名孟子曰右稷教民稼穡樹藝五穀昔帝嚳之妃姜嫄出行見一人脚踏長六尺姜嫄以足履之不一日而指便覺有娠乃生一人耻其無父棄於道路令牛羊踐之而死牛羊見避過又送於中谷令兒牧

我彫食之乃有災虎養乳亦不死又送寒水之上其凍死乃有鳳凰以翼覆之姜嫄見之有異乃以養之因名曰棄教天下百姓播種五穀知四時生長秋收冬藏堯見其有功為置社稷之廟合後人敬祭之俶音叔

稅熟貢新

古者公田上熟或稅三分中熟或稅一分先貢於君將薦宗廟故曰貢新也

勸賞黜陟

黜者退也陟者升也勸令百姓農桑依時收穫須令有功天子每年出使巡察問其善惡若有勸厲百姓農桑人安俗阜則賞之官爵也若不能勸課境內不

若則除官去爵黜退之也。右漢魯恭為中牟令，蝗虫不入境，前官無德，每被大虫傷人，魯恭到任，其虎負子渡河而去。漢帝聞之，改為弘農，太守賜黃金五百斤，以勸賞之也。

孟軻敦素

孟子名軻，為人敦厚朴素，人皆敬之。母三徙擇其善鄰，以教其成德。造十二幅木被，以招君子，听其善言。軻自少時，出門前，戲見東家殺猪，乃歸家，母謂之曰：「東家殺猪，討猪肉，與汝啜，聞語乃出矣。母實戲之，然亦悔出此言，恐兒長成亦怪我言之不固。遂私自東家買肉，與軻喫，故其言不失信也。」

史魚秉直

史魚衛大夫為人忠直，時有蘧伯玉有賢才，見君無道，不肯仕。史魚問之，伯玉答曰：「邦有道則見，邦無道則隱。」史魚曰：「我邦有道直如矢，邦無道直如矢，史魚每諫衛君，進伯玉，衛君不用。每竈，弥子瑕子瑕得桃，下顆先食一半，一半與衛君，食之。史魚曰：「子瑕無上下之禮，先食桃，後與大王。君答曰：「子瑕忠也。衛君得，一乘車，出勅曰：「有人乘之者，斬子瑕。私乘歸家看母，史魚曰：「子瑕違命，私乘大王之車，衛君又曰：「子瑕孝也不惜軀命，乘車看母，後史魚病重，語家人曰：「吾死之後，勿安我於堂中，願安我於厠屋。我與子瑕不善，蘧伯玉是賢人，我不能諫君而用之，是我過。史魚死，乃安厠屋之中。衛君使人吊之，使者迴報，衛君為令安於堂中，乃責弥子瑕曰：「汝食桃，余半與寡人，一不忠，違寡人之勅，乘寡人之車，二不忠，不進用蘧伯玉。」

玉為鄉相 是三不忠孔子曰賢哉史魚雖死後尚
能諫其君之過也

庶幾中庸勞謙謹勅

中庸中常之道也仲尼曰君子之中庸小人反中庸
勞謙勤勞行謙遜之道易曰勞謙君子有終吉勅者
正也此言孟軻史魚二人庶幾為中庸勞謙之君子
能謹慎以自勅正也孔子出行遊於道逢乘馬而來
者孔子令避車而行顏淵問曰只聞乘馬避車何得
乘車避馬子曰吾行庶幾謙退之行下問尊卑皆然
也

聆音察理

聆聽也察審也聽其音聲察其理要也昔蔡邕字伯

昔遊學歸家隣人便設食命邕坐座上先有一人彈
琴眼視其樹上蟬鳴其下有一蠅螋逐後捕之其彈
琴者恐蠅螋捕蟬心念殺之其琴亦有殺音邕听琴
音有殺聲遂辭去主人曰為君遠歸故造此食相待
何得便回邕曰見琴中有殺聲是以去彈琴者笑曰
大奇听指下之音知人之意所謂聆音察理也昔孔
子領諸弟子至楚因為楚王不被納却到三曠林之
中孔子謂諸弟子曰為吾渴與吾取一杯水食弟子
曰四面不見有承孔子舉頭吾見東北上有水語子
路曰汝往彼與吾取水來子路行至水邊便見一大
虫子路攪得虫腰斬得虫尾藏於懷中取得水來與
孔子乃謂孔子曰天下有人能獨殺得太虫否然孔
子曰能獨殺得太虫然殺虫之人有三等智上智
之人先須殺其頭中智之人取其腰下智之人殺其

尾子路蓋不敢見其虎尾遂走向草中取一木石藏於懷中欲打孔子問孔子曰天下有人獨殺得人否孔子曰恣能獨殺得人然殺人亦有三等智上智之人殺人用計中智之人用筆下智之人懷中著石頭且恃其愚不可及子路羞之甚也遂棄之乃告孔子曰聖智如何孔子曰吾非聖非智善察其音又能察其理也

鑑貌辨色

鑑者觀也觀其容良辨其顏色也昔齊桓公會諸侯並至惟衛侯不至桓公謂管仲曰諸侯並至惟衛侯不來王法無親明日令君伐之勿向人說管仲出朝桓公入闕衛侯見桓公入來即知欲伐衛侯意遂脫却簪解却佩下殿而拜願太王捨衛侯之罪桓公曰

寡人且出暮入無他言也夫人何以知伐衛侯夫夫人曰妾看君有三色知樂之色其色悅擇酒肉之色其色逸樂兵革之色壯烈想君色知伐衛侯桓公遂捨衛而不伐明日管仲入朝迎見桓公謝捨衛侯罪桓公曰寡人無言卿何以知管仲曰臣見太王言微而慙色即知捨衛侯之罪桓公曰內有衛夫人外有臣管仲何憂國事

貽歡嘉猷

貽遠也厥其也嘉善也猷道也言君子與人以善道也矣

勉其祗植

勉勸也祗敬也植置也君子之人以善道相勸勉使

其敬慎而行置夫忠孝之心也

省躬譏誡

省察也躬身也說誠猶警戒也君子之入勿使不義之事及其身常用省察也論語曰曾子曰吾日三省吾身者是也矣

寵增抗極殆辱近耻

抗高也小人得寵高極不知止足持勢凌人則必招耻辱昔齊景公有猛士三人陳開強籬谷子公孫捷皆於國有功景公寵之三人倚勢無上下之礼大夫晏子入朝三人在閣下博戲見晏嬰不起晏子曰君三人何無上下之礼三人曰我等於國有功見君小人我何起乎晏子啓景公曰臣聞君臣之礼廢必有

凌國之患臣向入朝陳開強顧冶子公孫捷等在閣下博戲見臣不起無上下之礼公意謂何公曰寡人久以憂耳此三人非力之所當嬰曰臣設一計不用寸兵尺刃令三人自死公曰何計也嬰曰太王取三顆美桃置案上召三人來云外圍進此桃三顆寡人自與一顆餘二顆賜卿三人各令說功高者得一顆余不得必有死者公依奏遂取三顆桃於前喚三人曰外國進此桃三顆甚美寡人食一顆訖留二顆與卿三人各說有大功者取一顆食之不得分陳開強案前向前曰昔臣從太王遊獵被虎射困太王王奔走無路臣彎弓射倒斬殺無數太王得肉喫又坐其皮是臣功最大合得桃食之遂取一顆顧冶子案前曰前日大王昔遊東海被蛟龍擲太王船河泊牽太王馬臣走出岸救太王命臣切高力合得桃喫又取

下類食之公孫捷不得桃食案劔向前營王曰太王
昔共楚戰被困百萬衆奔走無路臣拔劔持鎗左蕩
右突斬殺楚兵敗走救得太王臣功最大不得桃食
遂拔劔自刎而死陳開強顧冶子等云我二人功小
却得桃食羞耻見上各拔劔自刎而死須臾之間不
用寸兵尺刃三人自死於殿下此殆厚於耻之謂也

林臯幸郎

林臯為趙相生九子皆賢國人号為九德之父十德
之門趙王聞嫉之欲殺乃出勅甲欲幸諸園擇其樹
木菓繁者伐之子謂父曰趙王欲伐其樹木菓繁者
如何林臯曰趙王欲殺我父子也木子繁尚猶殺之
何況人乎父子相携入白雲山終身不出王聞之歎
曰賢臣是林臯父子之也矣

兩踈見機解組誰逼

漢時踈廣為大傅子踈受為少傅廣謂受曰吾聞知
足不殆可以長久受曰吾聞功成名遂身退天之道
也父子遂謝病解印綬掛冠歸於東都門上天子賜
金三十斤大子賜五十斤公卿故人設餞於東都門
外送車百乘既歸鄉里乃散金與鄉黨宗族人歎曰
賢哉二大夫也

索居閑處沉默寂寥

索居猶所居蕭索也兩踈既解組而歸則索居閑處
言無事也沈深也默無言也寂寥靜也索居閑處之
時意味如此也

子
卷
三
三

求古尋論散慮逍遙

隱居無事則搜求佳古賢人議論志慮蕭散自樂逍遙也

欣奏累遣感謝歡招

欣歡皆喜樂也感哀也謝去也招來也言哀去則樂生也

渠荷的歷園莽抽條

渠美渠蓮華也荷葉也的歷鮮潔之自莽草也抽長也園中草莽生枝條也

枇杷晚翠梧桐早凋

枇杷菓名其葉耐寒不凋故曰晚翠梧桐木名其葉凋落獨早淮南子曰梧桐一葉落而天下知秋也

陳根委翳落葉飄颻

陳旧也樹木之根既久皆委翳地盤生於地木葉凋落隨風飄颻若舞也

遊鷗獨運凌摩絳霄

霄者天也絳者紅也鷗者太魚化為鵬鳥者也莊子曰北溟有魚其名曰鷗化而為鳥其名曰鵬搏扶搖而上則九萬里其翼若垂天之雲此言鷗化飛傳天上也

耽讀翫市寓目囊箱

耽讀翫市寓目囊箱

耽愛慕也漢時王充家貧無書讀每於洛陽市閱所
賣書一見更誦得不忘故曰既市則常寓目書囊箱
篋之間也

易輻攸畏屬耳垣墻

易者簡略也輻者慎也攸者所也言君子有所畏慎
也言不妄出每屬耳於垣墻之外恐悲禍及於已身

具膳冷飯適口充腸

具備也膳飯食也言飲食惟在於適口充腸一飯一
飽而已雖多亦奚以為也

飽飫烹宰

烹宰宰割也烹宰多而食之已飽則厭厭不能更食
也

飢厭糟糠

飢儉之人以食由恐不飽昔韓信未達之時鹿筋常
不得飽因於淮陰盜他人瓜而食被主投而辱之
跨下而過曾在下邳釣魚有漂母見而哀之金歸家
與食後得達恨賣瓜人喚來還令過跨下過三迴召
漂母以百金報謝之

親戚故舊

至親曰親傍親曰戚兄弟曰親姑姨曰戚從前知識
曰故曰雖經富貴貧賤不可忘親戚故舊

老少異糧

老者食精細少者食麤糲蔡順年十二孤養老母王
莽時天下荒險人皆飢餓時赤眉賊起殺人而食順
在田中摘穞黑者一器盛之赤者一器貯之路逢賊
見二器盛穞賊問之順曰黑者供老母赤者自食之
賊相謂也此孝子也遂放之更與米五斗牛一蹄以
令供母賊曰此村有孝子相率不過其境也

妾御績紡

婦人以紡績為功也昔姜詩至孝養母母好食江水
愛生魚膾詩每江六七里取水供母不闕嘗令其妻
取水忽一日來遲詩責之遂棄令歸其妻不去寄在
隣家紡績得錢買魚作膾憑隣母將奉她詩母見每

日送膾問隣母隣母曰爾家新婦在哉家中紡績
得錢每日買魚作膾請送來與婆喫姑曰此孝婦也
遂喚至堂前拜母忽然堂前一池水出味如江水每
日出一兩魚妾作膾以奉姑也

侍巾帷房

婦人奉夫執巾櫛之禮惟帳房室也鮑宣家貧常就
少君讀書少君見有賢德以女嫁與宣宣語妻曰君
居富貴之家嬌習華麗今來此貧賤何敢當之妻曰
本人見君有賢德願以妾配君子當侍巾櫛以盡婦
道何敢辭也

紈扇圓潔

齊地出紈素可以為扇文選班婕妤詩新裂齊紈素

注千字改下

皎潔如霜雪，裁為合歡扇，團團似明月矣。

銀燭燐煌

燐煌言燭之光也。晉書傳成燭賊曰揚，升燿之燐煌。燐朱燭之煌煌也。

晝眠夕寐

邊韶字孝先，教授弟子。嘗晝卧，弟子嘲之曰：邊孝先，腹便便，懶讀書，但欲眠。韶答曰：邊為姓，孝先為字，腹便便五經笥，卧與周公通夢，坐與孔子同意。師之可朝出，何典記弟子不能答也。

藍筍象牀

藍筍竹也，珍美可食也。楚獻象牙牀於孟嘗君。

絃歌酒醺

飲醺之時以絃歌而取樂。

接杯舉觴

杯觴並酒器，飯醺之時舉杯，連相勸勸也。

嬌手頓足

舉手動足之自也。嬌古沼反。

悅豫且康

悅樂豫和也。康安也。飲醺之時和悅如此。

嫡後嗣續

嫡後嗣續。

燭長子也後者兼父母之後嗣者繼嗣續者相續不

絕也

祭祀蒸嘗

四時須祭祀先祖禴祠蒸嘗四時之祭名春禴求其生夏祠祈其長秋嘗賀其熟冬蒸報其恩

稽顙再拜悚懼恐惶

稽顙者頭至地也悚懼恐惶蕭敬之自也言祭祀之時致敬如此也

牋牒簡要顧答審詳

牋牒啓表之類為文則須簡要答之則用詳審孔子與諸弟子登於曾山之上四顧而歎曰吾死後誰能

之後治天下乎子路答曰正朝下日天下百姓皆用雄雞祀戶雌者祀門太家用十箇小家用五箇為言天下更無雞活也明日鷄鳴如故夫子不能自治一身何慮天下更無人治也孔子曰吾嘗幸自治其咎後生可畏也

骸垢想浴執熱願涼

骸者身也垢者塵埃也言身軀為塵垢所汚必思沐浴使清淨也身居執熱急願其涼此人情之所皆然也

驢騾犢特駭躍超驤

驢騾馬之類也犢特牛之類也駭躍超驤者奔走跳躑之自也言人之難於制者亦然也

誅斬賊盜捕獲叛亡

賊盜殺亡者皆其罪之不可赦者故賊盜者必誅斬之叛亡者必捕獲之所以懲惡勸善也

布射遠丸

布者姓呂名布善騎馬左右射之百步懸稊葉射之百發百中箭不虛發也養由基亦善射射甲透徹九重墜弓鴈自落又堯時有善射一箭穿九鳥九者鈴也遠者姓且名遠能弄九鈴八箇常在空空中一箇在手楚與宋戰楚王大敗且遠被胸受刃於軍前弄鈴一軍並得停戰者之楚王遂得免難也

嵇琴阮嘯

晉時嵇康字叔夜向地山從道士孫登學琴經三年孫登不教之曰汝有逸群之才必當戮于市嵇康遂別去孫登乃乘雲昇天康回南行至會稽王伯通家宿通造得一館未得三年每夜有人宿者不至天明便死通見此凶遂常閉却不放人宿嵇康暫借館門前宿至一更之後康取琴彈至二更時見有八箇鬼從後館中出康怕之微咒曰乾元亨利貞祝三死乃問鬼曰王伯通造得此館成未三年每夜有人宿者死捻是八箇鬼殺他鬼曰我不是殺人鬼我是嫁時掌樂官兄弟八人號曰伶倫為舜受佞臣之言枉殺我兄弟在此所理主人王伯通造館不知向我上築堵壓我悶我見有人宿者出擬告之他見我等自怕而死即不在是我等殺他今願先生與主人說取我等骸骨遷別處埋期半年主人為本郡太守今

黃先生授一廣陵曲，天下妙絕。康聞之，大悅，遂把琴。鬼教康一反，便彈。至夜深，王伯通向宅中忽聞琴聲，美麗，乃披衣起坐，所琴音深怪之。乃問康，康答曰：「主人，誰中殺人鬼？我今見之矣。」通曰：「何見之？」康曰：「夜來有八箇鬼來，云：『主人造，誰向我上築牆壓我？我每夜有客宿者，擬告之。』見者自怖而死，不是他。人願主人出宅，別處，即封主人為本郡太守。教康廣陵一曲，明日伯通使人掘，果見八具骸骨，遂別造棺，就窆處，遷埋。後晉帝時，伯通果為太守，康為中散大夫。天子令康北面受命，教官人曲。康不肯，教魏武帝听，佞臣意言殺康於市中，猶抱琴而死。阮籍字嗣宗，晉時人為步兵校尉，好酒，每以鹿車載酒而行，時復取飲之。善嘯，感得鳳凰飛下，百鳥皆來，靡得揚技，皆折也。」

恬筆倫紙

蒙恬是秦始皇時將軍，領兵六十萬，築長城，以免毛縛筆書字，用以傳天下。蔡倫漢時為將作太監，造布衣，以造紙，以造繒帛，至今傳之也。

鈞巧任鈞

姓馬名鈞，武帝時造指南車，至今傳之。刻木為人，衣以五絲，能自舞，與人無異。能開門戶，春熟造車，一乘左轂，上著磨石，轂上著碓，行十里磨麥成麩，春穀成米，不勞人力，其下巧如此。任公善釣，於東海中釣得一魚，長十里，引得海水之泛，驚得神人走出蒼梧之地，三年厭魚肉，人食美之珍也。

釋紛利俗並皆佳妙

釋者解也紛者亂也利者與人便利也此州縣得人能政善治解亂除煩利益民俗並皆佳妙之事抑任為江州太守以善道治民開決溝渠築隄開田三百萬頃百姓皆得其利又如廉范五袴之譚皆是利民也

毛施淑姿

毛者吳之美女名毛女也容貞端正一國無比也施者是西施越女也端正無双每心痛發向明捧心皺眉而立姿貞愈媚看見鄰家有一醜婦亦學西施佯詐心痛倚門捧心皺眉而立見者即掩面唾之也淑善也姿媚也言二女美貞也矣

工頻妍咲

工者巧也頻者皺眉也是美人之妖媚妍者美麗也言此二女美貞能作千德萬壯頻時既好咲持尤更美也

年矢每催

夫者箭也日月迅速流年如箭催人易老也

曠暉晃耀

曠者日光暉者月之光晃耀即光明也日月惟恐照臨下土流光易邁也

運機懸幹

運機懸幹

璇者美玉也璣衡乃王者正天文之器可運轉者故
曰遷韓尚書云在璇璣玉衡以齊七政璣以美玉為
之七政者日月五星是也

晦魄環照

晦者月之三十日也言其月盡晦時也月之初生日
魄月為陰精故曰魄每月晦魄常相推移如環環而
行以照耀也

指薪脩祐求綏吉邵

薪如薪傳火火則不滅人能修福行善則福不絕求
長安吉若不能修福則凶害生也

矩步引領俯仰廊廡

行步必中規矩動有法度也引領舉頭也俯仰之間
常如在廊廡廊廡天子宮也

束帶矜莊徘徊瞻眺

論語曰束帶立於朝可使與賓客言也人之束帶衣
冠既正則必敬重尊嚴儼然人望而畏之徘徊者所
旋之禮瞻眺者視望之自

孤陋寡聞愚蒙等訥

禮記曰獨學而無友則孤陋而寡聞此言孤而且陋
則聞事必寡雖愚蒙之人皆來訥責之也

謂語助者焉哉乎也

焉哉乎也四字雖曰語助然焉者反說也哉者歎也


乎者嗟也也者絕辭也昔梁武帝使侍中周與嗣次
酌少兩句故以語助足之也晉武帝兼魏之後始在
路州城太夫鐘繇造得此文上天子帝愛不離其手
晉被宋文帝逐移向丹陽避難其千字文在車中路
逢雨車漏濕千字文行石丹陽藏書篋中晉治天下
得十五帝共一百五十年被宋文皇帝劉裕兼位治
天下開晉帝書庫中見此千字文兩亂損失其次第
使右將軍王羲之次酌不得宋帝治天下九六十年
齊兼位治丹陽亦無人次得齊七帝治三十年梁武
帝兼位乃命周與嗣次酌得千字文也

纂圖附音集註千字文之下終

龍全

耕

天保甲辰七月購此書於誠格堂



野山拾遺錄卷之一上